



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII

BROJ: 204

DATUM: 12.06.2015.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Nermin Fatkić, viši saradnik za finansijska pitanja
fax: + 387 33 552 810
nermin.fatkić@sogfbih.ba

Sadržaj biltena:

Održana 8. sjednica Predsjedništva Saveza

Uvođenje planova integriteta na lokalnom nivou

Održana radionica za JLS o upotrebi društvenih medija

Općina Doboju Jug i UNDP potpisali sporazum o poboljšanju proizvodnje mlijeka

Prozor-Rama privlači investitore:

Bosanska Krupa formirala novu poslovnu zonu

Poziv za prijavu kandidata za trenere obuka

Potpisan sporazum o saradnji između Saveza i općina Kreševo i Ilidža i Grada Zenice

Poziv za pružanje konsultantskih usluga

Najava seminara na temu: "Lideri lokalnih samouprava"

Bilten Saveza općina i gradova Federacije Bosne i Hercegovine

ODRŽANA 8. SJEDNICA PREDSEDNIŠTVA SAVEZA OPĆINA I GRADOVA FBiH

U Neumu je, 8. juna/lipnja održana osma, redovna sjednica Predsjedništva Skupštine Saveza općina i gradova Federacije Bosne i Hercegovine.

U okviru dnevnog reda, a nakon usvajanja zapisnika i zaključaka sa prethodne sjednice, Predsjedništvo je utvrdilo prijedlog dokumenata za Skupštinu Saveza. Tako je prihvaćen Izvještaj o radu organa i tijela Skupštine Saveza općina i gradova Federacije BiH

za period januar 2013. godine – april 2015. godine, nacrt Strategije razvoja Saveza općina i gradova Federacije BiH za period 2015. – 2022. godina, te prijedlog zaključaka koje je utvrdila Komisija za ustavna i zakonodavna pitanja i Komisija za razvoj i unapređenje lokalne samouprave, a koji će se razmatrati na sjednici Skupštine Saveza.

Pored dokumenata koji su pripremljeni za Skupštinu Saveza, Predsjedništvo je vodilo diskusiju i usvojilo Izvještaj o izvršenju finansijskog plana Saveza za 2014. godinu i Prijedlog finansijskog plana za 2015. godinu, te nacrt Akcionog plana Saveza općina i gradova Federacije BiH za 2015. – 2016. godinu i indikativni plan za 2017. godinu.

Posebno su apostrofirane aktivnosti Saveza po pitanju izuzimanja jedinica lokalne samouprave od otplate vanjskog duga prema Međunarodnom monetarnom fondu i pokretanje tužbe prema Federaciji Bosne i Hercegovine. Odlučeno je da Savez pokrene tužbu protiv Federacije BiH, s tim da se podrška zatraži i od Skupštine Saveza.

Također, prihvaćene su i dvije inicijative. Jedna se odnosila na to da se uputi zahtjev Vijeću ministara i Direkciji za evropske inicijative za uključivanje Saveza u proces pregovaranja za pristupanje Evropskoj uniji, a druga da se od Federalnog ministarstva poljoprivrede, vodoprivrede i šumarstva i Federalnog ministarstva finansija zahtjeva oslobađanje finansijskih sredstava iz IPA 2008 - 2009 za realizaciju WATSAN projekata, a kako bi se izmirile pristigle obaveze prema dobavljačima, odnosno uplate dospjele situacije.



UVOĐENJE PLANOVA INTEGRITETA NA LOKALNOM NIVOU

Transparency International Bosne i Hercegovine (TI BiH) u saradnji sa Savezom općina i gradova Federacije Bosne i Hercegovine i Savezom opština i gradova RS-a, kao i Agencijom za prevenciju korupcije i koordinaciju borbe protiv korupcije implementira projekat pod nazivom „Jačanje integriteta lokalne samouprave“, koji finansira Ambasada Kraljevine Holandije. Ovim projektom želi se osigurati efikasno kreiranje i uspješna implementacija antikorupcijskih planova, te revizija istih s ciljem prevencije koruptivnih aktivnosti u bh. općinama.

Krajnji cilj je povećanje transparentnosti i odgovornosti u radu lokalnih samoupravnih jedinica, te poboljšanje vladavine prava direktno kroz izgradnju kapaciteta lokalne samouprave za suzbijanje korupcije. Jedan od načina da to postignemo je izrada, uspostavljanje i implementacija planova integriteta na lokalnom nivou.





Zabilježen je veliki interes predstavnika lokalnih samouprava za izradu planova integriteta, a kreiranjem Priručnika za uvođenje planova integriteta na lokalnom nivou omogućeno je svim zainteresovanim općinama da samoinicijativno pokrenu proces kreiranja svojih planova integriteta. Ovaj Priručnik namijenjen je lokalnim liderima koji žele promovirati participativne oblike demokratije i povećati nivo odgovornosti, transparentnosti i integriteta.

Priručnik: Uvođenje planova integriteta na lokalnom nivou možete preuzeti sa web stranice Saveza, ili klikom [OVDJE](#).

ODRŽANA RADIONICA ZA JLS O UPOTREBI DRUŠTVENIH MEDIJA

Dana 09. juna/lipnja u Sarajevu, u Hotelu „Sarajevo“ održana je tematska radionica na temu „Društvene mreže“. Radionica je održana u sklopu pilot projekta „Jačanje komunikacije u općinama korištenjem društvenih mreža“ kojeg provodi Misija OSCE-a u BiH u saradnji sa Savezom općina i gradova FBiH i Savezom opština i gradova RS-a. Projekat ima za cilj promovisanje savremenih trendova komunikacije i povećanje transparentnosti rada lokalne uprave.



Radionici su prisustvovali predstavnici sedam lokalnih zajednica koji su učili kako da kvalitetno koriste društvene mreže u cilju unapređenja komunikacije putem upoznavanja sa primjerima efikasne primjene društvenih medija, trenutnim stanjem društvenih medija i potrebe za unaprijeđenjem, revidiranjem ili izradom propisa koji regulišu upotrebu web kanala, kreiranjem profesionalnih profila (Facebook page, Twitter profile i/ili YouTube kanal), obuke u korištenju profesionalnih profila i planiranju aktivnosti na društvenim mrežama. Predavač je bio Dženan Buzadžić, ekspert OSCE-a za ovu oblast.

Drugi dio radionice će se održati 30. juna/lipnja.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINA DOBOJ JUG I UNDP POTPISALI SPORAZUM O POBOLJŠANJU PROIZVODNJE MLJEKA



Rezidentni predstavnik Razvojnog programa ujedinjenih nacija (UNDP) za Bosnu i Hercegovinu Yuri Afanasijev i općinska načelnica Jasminka Begić potpisali su sporazum o sufinansiranju projekta u sklopu UN-ovog programa za oporavak od poplava u BiH. Općina Doboj Jug je zajedno sa općinama Maglaj i Žepče i gradom Zenica ušla u ovaj program koji je isključivo namijenjen povećanju proizvodnje mlijeka. Radiće se u četiri faze koje obuhvataju poboljšanje infrastrukture, nabavku opreme za proizvođače mlijeka i otkup, pri čemu je partner Zenička mljekara. Trenutno sa područja Općine

Doboj Jug sa ovom mljekarom ima ugovore sedam kooperanata, jedan iz Mravića i tri iz Matuzića. Na ovom području kooperante (proizvođače mlijeka) imaju još Gradačaka mljekara i mljekara „Sarajmilk“ iz Maglaja. Vrijednost ovog projekta je oko sto hiljada maraka, pri čemu je obaveza sufinansiranja od strane lokalne zajednice 10%.





PROZOR – RAMA PRIVLAČI INVESTITORE: POTICAJI I DO 12.000 KM PO RADNIKU



Prozor - Rama, panorama

Pred mnoge općine u Bosni i Hercegovini, kao teško rješiv problem, već duži niz godina nametnuo se onaj o povećanoj nezaposlenosti.

Općina Prozor – Rama, kao i većina drugih općina u Bosni i Hercegovini, suočena je i sa velikom nezaposlenošću i sa iseljavanjima koji su posljedica nezaposlenosti.

U Prozoru – Rami smatraju da uvjeta za razvoj poduzetništva ima jako puno. U prvom redu tu su prazne tvorničke hale veličine 1.000 do 10.000 četvornih metara, spremne za prihvatanje novih strojeva i novih tehnologija. Veliki broj neuposlenih također predstavlja pogodnost novim investitorima, baš kao i dostupnost energije, povezanost sa autoputovima, zračnim i morskim lukama. Čist

okoliš i iznimno lijep krajolik dodatne su pogodnosti potencijalnim investitorima.

No, danas očito ni sve to nije dovoljno. Zato su u Prozoru – Rami posegnuli za dodatnim sredstvima. Program poticaja za zapošljavanje osmišljen je kako bi investitorima omogućio što stabilniji početak njihovih projekata. A ti projekti bi trebali rezultirati novim zapošljavanjem i tako preokrenuti višegodišnje negativne trendove u oblasti zaposlenosti u općini Prozor – Rama. Ove godine u tu svrhu rezervirano je 400.000,00 KM, a iz Općine kažu da će za dobre projekte biti i više sredstava. Poticaje u obliku bespovratnih sredstava u visini i do 12.000,00 KM po jednom radnom mjestu moći će dobiti investitori za projekte u oblasti proizvodnje i prerade.

Javni poziv za odabir korisnika bespovratnih sredstava za povećanje zaposlenosti u općini Prozor – Rama može se preuzeti na:

<http://www.prozor-rama.org/press-centar/obavijesti/novcane-potpore-investitorima-u-opcini-prozor-rama-javni-poziv/93>



Grb Općine Prozor - Rama

BOSANSKA KRUPA FORMIRALA NOVU POSLOVNU ZONU



Prostor Poslovne zone "Vatreni mlin"

Bosanska Krupa od danas ima još jednu poslovnu zonu i novih 22 hektara korisne površine koja će biti ponuđena potencijalnim ulagačima za otvaranje novih radnih mjesta i razvoj bosanskokrupske općine. Poslovna zona "Vatreni mlin" formirana je odlukom Općinskog vijeća Bosanska Krupa i to je druga poslovna zona u ovoj općini. Prema riječima načelnika Općine koji je inicirao formiranje nove poslovne zone, interes investitora prevazilazi prostore postojeće poslovne zone Pilana u kojoj se trenutno gradi novih 10.000 kvadratnih metara proizvodnih hala i u kojima će do jeseni biti zaposleno više stotina radnika.

Nekoliko investitora već je zatražilo nove parcele za gradnju ali je prostor u Poslovnoj

zoni Pilana gotovo popunjen pa će se novim investitorima ponuditi, pod istim uslovima, prostor u području nekadašnjeg "Vatrenog mlina". Nova poslovna zona obuhvatit će i već postojeće proizvodne pogone u krugu nekadašnjeg preduzeća RMK iz Zenice.

Obrazlažući ovu odluku načelnik Armin Halitović se posebno zahvalio općinskom pravobranioču Himzi Eziću koji je za vrlo kratko vrijeme uspio zemljište i devastiranu imovinu prijeratnog "Vatrenog mlina" koji nije imao pravnog nasljednika upisati u posjed Općine Bosanska Krupa i tako stvoriti uslove da općina ovim prostorom raspolaže u punom kapacitetu. Gotovo svi vijećnici su pozdravili ovakav potez a Odluka o formiranju Poslovne zone „Vatreni mlin“ usvojena je uz jedan glas protiv. Inače, u ovoj zoni kao i u poslovnoj zoni Pilana svi ulagači će u prve tri godine u 100 % iznosu biti oslobođeni komunalnih dažbina, slijedeće tri godine će biti oslobođeni 50 % istih a potom će tri godine plaćati minimalnu komunalnu naknadu u zavisnosti od proizvodne djelatnosti i broja radno angažovanih građana bosanskokrupske općine.



Grb Općine Bosanska Krupa

POZIV ZA PRIJAVU KANDIDATA ZA TRENERE OBUKA

Savez općina i gradova FBiH raspisuje poziv za kandidate koji su zainteresirani da postanu dio regionalne skupine trenera za novi međunarodni program obuke lokalnih službenika i namještenika. Cilj obuke je jačanje kapaciteta jedinica lokalne samouprave i dobavljača vodnih usluga za pripremu i provedbu infrastrukturnih projekata finansiranih od stranih donatora i investitora.



Implemented by
giz Deutsche Gesellschaft
für Internationale
Zusammenarbeit (GIZ) GmbH



Obuka trenera će biti provedena u okviru projekta Lokalni dužnosnici jugoistočne Evrope i to u dvije faze tokom jeseni i zime 2015: jedna generička obuka trenera i pet trening modula sa specifičnim temama koje obrađuju identifikiranje prioriteta potreba za obukom lokalnih dužnosnika, službenika i predstavnika dobavljača vodnih usluga. Izabrani treneri dužni su položiti generičku obuku, te 2-3 specifična trening modula, ovisno o svojim interesovanjima i iskustvu.

Od potencijalnih kandidata traži se zadovoljavanje sljedećih uslova:

- Visoka stručna sprema;
- Praktično iskustvo u oblastima: poboljšanja performansi vodnog komunalnih sistema i/ili upravljanja infrastrukturom i/ili lokalne samouprave te obuka i razvoja ljudskih kompetencija;
- Specifično radno iskustvo u obukama s naglaskom na participativni pristup, didaktiku i pedagoška znanja;
- Radno iskustvo od najmanje 5 godina u jednom od oblasti navedenih u zahtjevu za praktičnim iskustvima, učešće kao trener u najmanje 10 obuka;
- Dobro poznavanje vodnog sektora i upravljanja otpadom;
- Pozadina u lokalnoj samoupravi, njenim odgovornostima i izazovima;
- Pozadina u investicijskim projektima međunarodnih finansijskih institucija (npr. programi Evropske unije i mehanizmi finansiranja);
- Odgovarajuća znanja u 2-3 teme specifičnih trening modula: 1) Efikasna organizacija i efikasno upravljanje komunalnim uslugama, 2) Priprema infrastrukturnih i investicijskih projekata, 3) Razvoj infrastrukturnih i investicijskih projekata, 4) Realizacija infrastrukturnih i investicijskih projekata, i 5) Strateško planiranje i upravljanje koje je bazirano na rezultatima;
- Poznavanje engleskoga jezika i sposobnost moderiranja radionica na engleskom jeziku;
- Poznavanje rada na računaru: MS Office paket (Word, Excel, PowerPoint).

Kandidati moraju potvrditi svoju dostupnost za učešće u generičkoj obuci i u dva do tri specifična modula (npr. dostavom potpisanog sporazuma s nadređenima koji pokazuju da je kandidat, ako bude izabran, u mogućnosti izdvojiti vrijeme potrebno za učešće u obukama i follow-up aktivnostima).

Prihvatljivi su oni kandidati koji su zaposleni u jedinicama lokalne samouprave, komunalnim preduzećima (dobavljači vodnih usluga) i razvojnim agencijama.

Kandidati trebaju popuniti potrebni obrazac i dostaviti ga **do 26. juna 2015. godine** Amiru Kupusiji (koordinatoru projekta za SOGFBiH) na e-mail amir@sogfbih.ba. Iz Bosne i Hercegovine će od ukupnog broja prijavljenih biti izabrano 8 trenera koji će se priključiti regionalnoj grupi trenera sa stručnjacima iz Hrvatske, Makedonije i Srbije (ukupno 32). Savez općina i gradova FBiH obavjestit će prijavljene kandidate o ishodu izbora početkom avgusta.

Za dodatne informacije pozivamo vas da pročitate [dokument o selekciji kandidata](#), a za eventualna dodatna pitanja možete se obratiti koordinatore projekta na gore navedeni e-mail.

Potrebne dokumente za prijavu kandidata možete naći na web stranici Saveza na sljedećem linku: <http://www.sogfbih.ba/index.php?lang=ba&sel=1&view=1137,3>



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpabc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



POTPISAN SPORAZUM O SARADNJI IZMEĐU SAVEZA I OPĆINA ILIDŽA, KREŠEVO I GRADA ZENICE

Savez općina i gradova Federacije BiH uključen je u regionalni Projekat pod nazivom „Energetska efikasnost u udruženjima općina“ koji finansira njemačko Ministarstvo za ekonomsku saradnju i razvoj (BMZ) i Švajcarska vlada, a provodi Njemačka organizacija za međunarodnu saradnju (GIZ) u saradnji sa Savezom općina i gradova Federacije Bosne i Hercegovine kroz Otvoreni regionalni fond za jugoistočnu Evropu: Modernizacija općinskih usluga (ORF MMS) i Energetska efikasnost (ORF EE). Ovaj regionalni projekat ima za cilj



Sa potpisivanja sporazuma

jačanje kapaciteta saveza lokalnih vlasti država jugoistočne Evrope u oblasti energetske efikasnosti prema njegovim članicama. Jedan od paketa ovog projekta je i razvoj pilot projekata za općine. Nakon raspisanog javnog poziva, te evaluacije pristiglih projekata tehnički tim je odabrao tri općine koje se finansiraju u sklopu ovog paketa:

Općina Ilidža: „Izmjena drugog dijela fasadne stolarije na Drugoj osnovnoj školi u Hrasnici“

Općina Kreševo: „Utopljavanje gradske sportske dvorane“

Grad Zenica: „Unapređenje energetske efikasnosti u studentskom domu Zenica“

Na Skupštini Saveza općina i gradova FBiH, koja je održana 09. juna/lipnja u Neumu, načelnici Ilidže i Kreševa i gradonačelnik Zenice potpisali su sporazum o saradnji sa Savezom općina i gradova FBiH kao partnerom u ovom projektu. Ove općine su ranije potpisale ugovor o lokalnoj donaciji sa GIZ ORF-om.

Sve aktivnosti iz ovog sporazuma trebale bi biti realizovane i završene do 30. oktobra/listopada 2015. godine.

"...projekat ima za cilj jačanje kapaciteta saveza lokalnih vlasti država jugoistočne Evrope u oblasti energetske efikasnosti prema njegovim članicama."

POZIV ZA PRUŽANJE KONSULTANTSKIH USLUGA



Mreža lokalnih vlasti jugoistočne Evrope (NALAS - Network of Association of Local Authorities of South-East Europe), u okviru projekta "Lokalni lideri u jugoistočnoj Evropi: Vodeći za promjene" ("Local Leaders in South East Europe: Lead for Change"), podržan od strane Njemačke razvojne saradnje, poziva organizacije i kompanije sa relevantnim iskustvom i stručnošću da podnesu predloge za pružanje konsultantskih usluga za razvoj i implementaciju niza Treninga za trenere (ToT) i za razvoj Regionalnog biznis i

marketing plana i Nacionalnih biznis i marketing planova za partnerske zemlje.

Ponude moraju biti dostavljene u elektronskoj formi najkasnije od 26. juna/lipnja 2015. u 16:00 na e-mail info@nalas.eu sa naznakom: Offer for consultancy services for development and implementation of a series of ToTs, odnosno Offer for consultancy services for development of Business and Marketing Plans.

Više informacija možete naći na: <http://www.nalas.eu/Announcements/Call ToT> i <http://www.nalas.eu/Announcements/Call Business Plans>



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Uključite Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA SEMINARA NA TEMU „LIDERI LOKALNIH SAMOUPRAVA“

U organizaciji Saveza općina i gradova Federacije Bosne i Hercegovine, a u okviru projekta MTS kojeg provodi UNDP održat će se seminar na temu: „Lideri lokalne samouprave“. Seminar će se održati **u Tomislavgradu, 15. juna/lipnja** u zgradi Općine, sala Općinskog vijeća i **u Vitezu, 16. juna/lipnja** u zgradi Općine, sala Općinskog vijeća.

Seminar u Tomislavgradu namjenjen je za općine: Čapljina, Čitluk, Mostar, Neum, Prozor-Rama, Ravno, Stolac, Glamoč, Jablanica, Konjic, Kupres, Livno, Grude, Ljubuški, Posušje, Široki Brijeg i Tomislavgrad, dok je seminar u Vitezu namjenjen je za općine: Breza, Bugojno, Busovača, Centar Sarajevo, Donji Vakuf, Fojnica, Goražde, Gornji Vakuf-Uskoplje, Hadžići, Ilidža, Ilijaš, Kakanj, Kiseljak, Kreševo, Novi Grad Sarajevo, Novi Travnik, Novo Sarajevo, Pale-Prača, Sarajevo Grad, Stari Grad Sarajevo, Travnik, Trnovo, Foča-Ustikolina, Vareš, Visoko, Vitez, Vogošća, Zavidovići, Zenica i Žepče.

Cilj seminara je unapređenje znanja i vještina načelnika i gradonačelnika u oblasti liderstva uopće, te jačanje svijesti o ulozi lokalnog liderstva u demokratskom društvu i važnosti kontinuiranog usavršavanja lokalnih lidera kako bi mogli adekvatno odgovoriti izazovima vođenja lokalnih administracija i zajednica.

Seminar je, prije svega, namjenjen načelnicima / gradonačelnicima, te njihovim savjetnicima i sekretarima / tajnicima organa uprave.

Predavač na seminaru će biti Predrag Šupljeglav, načelnik Odjela za organizaciju, pravne poslove, opću upravu, civilnu zaštitu i vatrogastvo, Grad Mostar.

